

TEATER MUSICAL: Alexei

Alexei turna an Russia

G.N.S. Oz e dumang ins ò la davosa pusebladad d'assister agl teater musical Alexei ainten la Clavadeira a Riom. Siva digl december ò igl Origen Festival Cultural preschento 14 gedas l'ovra cun cant, solt, rachint e musica.

Igls davos 12 meis ò igl Origen Festival Cultural deditgia las sias producziuns alla Russia. Fatg ins ò chegl cun cant, solt, musica, teater, costums ed inscenziuns singularas. La Russia ena tera cun ena cultura particulara ò anritgia ferm igl program digl davos onn. Planget vo igl onn russ a fegn. Alexei, igl teater musical vign anc preschento oz e dumang allas 18.00 ainten la Clavadeira a Riom. En deletg cantic vignan alloura ad esser las grondas vespras da Sergei Rachmaninow, tgi igl Chor d'Origen canta seis gedas sen Gelgia. Ple u manc èn igls seis concerts vandias or.



Alexei, igl teater musical vo ainten la fasa finala oz e dumang.